

守
意
龕
詩
集

序

余性敦友誼而於國家耆舊尤深愛慕比年景迫桑榆親故彫零如晨星落之回首河山斯人安在徃之愴然何止感慨係之邪道光壬寅歲余自蜀解組還京忽之四易寒暑年已八十矣坐數舊交正深悵望適百菊

溪節相文孫刊守意齋詩集成造門
問序于余。弱冠時即得瞻仰先生
風采聆其緒論先生亦顧余異羣少
年簪烏時與合所以誘掖獎勸者
備至每以張曲江待李長源事比擬
呼余為小友惟時紀文達亦不時過
從杯酒盤桓傾吐懷抱嘗謂勝國儒

生早年攻時文晚歲講性理至廿一
史則東之高閣不一寓目坐是於徵
實之學全荒猝遇艱鉅無不面墻上
誤君國下誤蒼生所闕非淺先生聞
文達言深為歎服欲購金史誦習研
究而家鮮儋石未能如願後視學三
晉始節俸餘購得之覃精研慮貫串

在胸一時中外學士大夫惟趙甌北
觀察畧堪抗手他如蔣心餘袁簡齋
諸先達瞠乎後矣先生文名久超流
輩復研貫史冊經濟宏深名稱益著
時當路方用事頗欲延攬英賢以峻
聲望乃先生官閒於雲操尚愈厲觚
棱自喜不屑轉圜以故株守冷局者

十有餘年至嘉慶己未後紀文達劉
文清彭文勤諸公愛先生才交口薦
舉始由奉天府丞秉臬開藩撫粵中
督湖廣數年間遂有兩江節相之峻
擢韓范偉業萬口爭傳而昔日先生
株守冷局時立品勤學知之者蓋亦
尠矣至其吮毫葩專宣寫性靈無俟

余覲縷以書而獨於先生絕特之行
綜其始末表而出之以期歷久不致
磨滅庶不負先生文孫殷々問序之
盛意云爾

道光歲在柔兆敦牂陽月朔日長白
八十叟後學嵩齡頓首拜序

守意龕詩集目錄

三韓百齡菊溪著

孫玉年錄輯

外孫毓泰校

卷之一

丁酉至庚子

古近體詩一百三十六首

卷之二

辛丑

古近體詩四十首

卷之三

壬寅

古近體詩一百十五首

卷之四

癸卯

古近體詩七十九首

附刻十二首

卷之五

甲辰

古近體詩一百二十七首

附刻二首

卷之六

乙巳

古近體詩一百八十六首

卷之七

丙午

古近體詩七十三首

卷之八

丁未

古近體詩七十一首

附刻六首

卷之九 戊申

古近體詩九十九首

卷之十 己酉

古近體詩九十六首

卷之十一 庚戌

古近體詩七十九首

卷之十一 辛亥

古近體詩二十二首

卷之十三 壬子

古近體詩一百四十首

卷之十四

癸丑

古近體詩五十五首

卷之十五

甲寅

古近體詩二十一首

卷之十六

乙卯

古近體詩四十二首

卷之十七

巳未

古近體詩三十首

卷之十八

庚申

古近體詩五十四首

卷之十九 辛酉

古近體詩九十七首

卷之二十 壬戌

古近體詩八十七首 附刻五首

卷之二十一 癸亥

古近體詩三十八首

卷之二十二 甲子

古近體詩十四首

卷之二十三 乙丑

古近體詩十八首

卷之二十四

丙寅

古近體詩七十四首

卷之二十五

丁卯

古近體詩五十二首

卷之二十六

己巳

古近體詩二十三首

卷之二十七

庚午

近體詩十二首

卷之二十八

癸酉至丙子

古近體詩一百二十首

附刻四十首

守意龕詩集卷一

三韓百齡菊溪著

丁酉至庚子

仲秋奉

命視學三晉留別同年諸子

相士深慙玉尺懸

九重鳳詔拜

恩先關前紫氣來千里汾上秋風別六年拂帽乍看官

路柳振衣猶帶御爐煙南雲遠望歡無極

時家嚴作
官浙東祇奉

慈親

旆簇潘輿手自攀

入晉

驛路梅花逗小春紅旌拂曉出都門敢云文字堪圖報
但有冰心可自捫幾樹丹楓明曉日半龕黃菊對離樽
蘆溝策馬頻回首舊雨東華欲斷魂

津陽驛亭

小驛茅齋敞肩輿此暫停四圍寒葉赤一帶宿苗青
日腳低垂屋茶煙細入櫺誰家弄橫笛小坐倚風聽

過望都一絕句

曙色林梢十里過城隅別業駐行珂四圍藤架垂垂影
小立風軒落葉多

雪後讀及門葛菱溪詩喜而成句

迴風急雪舞山寮好句閒吟破寂寥別調每於焦尾得
銛鋒宜以中眉嘲陽關愁緒歌三疊白下才名駕六朝
莫謂南豐香一瓣幾多詩思爲君消

雪霽

嵯峨復嵯峨西向峯巒起朝來雪陣開過客紛邈迤雲
凍翠微中日冷丹楓裏匝野飛瓊瑤寒光沖萬里曲逕
繚而深肩輿行且止巖畔坐孤亭倚風小憇耳莫謂行
路難難路此方始努力告僕夫高岡還陟彼

道中卽事簡及門廖湘渚

曉日山村雪霽餘晴光撲撲入征輿綠痕壓隴分寒麥

紅甲連畦茁晚蔬雲外尙看鴉背濕風前遙認酒帘舒
一尊茅店供清賞應有新詩足啟予

斷續村雞向午鳴秋風黃葉滿山城雪宜宿麥先占瑞
天爲行人特放晴千里板輿親視膳三年冰鑑愧持衡
舊遊猶憶趨庭訓旅夢迢迢到四明

病目簡湘渚

一軒風日坐經旬靜裏潛消萬斛塵奴解談書同鄭婢
茶能留客當周醇撚髭細檢詩工拙施肘閒評藥主臣
得意期君雙眼豁杏花獨看上林春

詠史

燎火中原一炬開
阿房宮冷剩殘灰
天教赤帝收秦鹿
人笑鴻門碎漢盃
此日雲霞爭欲附
他年蘓醢亦堪哀
大風歌後多慚德
又見商山四皓來

璽破金階鹿又亡
獨憑三尺奮昆陽
關中士氣歸銅馬
洛下人心解竈羊
野客有星占帝座
長門無賦奏椒房
君王卅載推心腹
烏盡良弓不怨藏

矍鑠爭推馬伏波
九泥封遍舊山河
已題銅柱心猶壯
不畫雲臺業更多
蠻碣尙銘遺愛永
蕙車無奈譖言何
可憐裹革收殘骨
幾策春風歟段過

攘臂鄱南戰幾回
將軍大樹獨徘徊
求王意若羞韓信

進食忠宣讓子推貝母屏前妖障滅滹沱河畔陣雲開
太平今日談封禪莫忘公孫豆粥哀

太原試竣答幕中友人

晴光撲撲襲襟裾泮水芹香二月初共道論文真有價
莫嘲舉秀不知書遺音欲辨郵亭竹勺水難蘇涸轍魚
阿好諸公揮彩筆陽春高詠更慚余

示太原廣文

雲樹井門繫舊思而今猶記釣遊時名成早秀冰銜署
詔下初膺玉尺司相馬空羣靳伯樂知音流水愧鍾期
十年清白趨庭訓憑仗吹噓到泮池

我輩文章報

國難明倫庠序慶彈冠他年夢兆芙蓉鏡此日風生苜
宿盤振鐸自應升俊秀積薪猶恐抑孤寒來朝春渡河
汾暖心與清流一例看

靈石歌

靈邑城南顏高坊怪石何年來冀方望之堅卓黝然光
有如青銅百鍊鋼淬厲未聞鳴礪礪嶽嶽寄四角凌星芒
我來躑躅遶其旁手爲拂拭心徬徨爐成天地炭陰陽
鑄此硯礪非尋常大力負之列序房金鐘石鼓爭輝煌
何以不得發幽光風雨剝蝕莓苔蒼天涯落拓同慨慷

百拜休嗤米老狂

汾陽早行

轎車朝爽度華封十里陽關路幾重細麥隴邊風影動
片雲頭上雨情濃村開圖畫當汾曲人入煙林指霍峯
叉手漫矜詩興好暫將清景滌塵胸

野狐泉

茶煙香影入孤臺峭壁飛泉亦幻哉浮玉一泓穿石骨
跳珠千點破莓苔條山翠色當軒落離海銀光匝地來
兀坐此心清似水不教鬚鬢著纖埃

鹽池

海光煙火接村墟
嵯澤年年地脈疏
自是精華無盡藏
卻教民命此權輿
雲開雪陣千山外
風動銀濤萬里餘
策馬朝來度虞坂
冰兢猶恐困鹽車

解梁試院月夜集挹翠亭分體得五古

滿地落人影橫空
流素波徘徊挹翠亭
嫋嫋微風和同心
二三子相邀曳履過
雜坐飛羽觴擊鉢成
高歌聲洪禹門濤氣薄
中條阿丈夫貴成名
歲月恒蹉跎少壯不
努力衰老將奈何
今日朱顏好來朝霜
鬢多

柳絮四首用王漁洋秋柳韻

柳條消盡旅人魂
隋苑春深雨打門
數片雪迷芳草暈

二分塵惹落花痕無端傍水滌孤嶼得意因風度遠村
檢點行蹤非斷梗天涯漂泊漫同論

劈如雲影散如霜幾段陰晴十里塘苔逕斜曛黏翠毯
硯池春夢伴青箱霏霏林下堪題謝濯濯風前更憶王
不似李桃但粗俗斷紅爭逐午橋坊

半池風約漾苔衣萍認前身未盡非乳燕乍來花影亂
游魚初上水紋稀閒蹤每傍晴絲裊狂態寧同落葉飛
曾借沾泥參妙諦莫教清淨此心違

無根無蒂見猶憐披拂東風破曉煙著意渠塘留浴影
多情閨閣憶裝絲花鬢漸老春三月霜鬢頻添客幾年

寄語長條芳訊早盡消愁緒大堤邊

贈安邑神童景芝榮

中條山外駐吟轡小友相逢問宿緣閒氣清華堪作瑞
髻齡聲價儼如仙人間徐勉能千里天上庭堅正入年
他日文章看領袖漫誇霹靂一州傳

王官谷

王官風景尙依稀竹徑娟娟入翠微屋舍儼然來絕境
先生休矣脫塵鞿花開野圃無邊韻鳥向深林自在飛
惆悵孤亭殘碣好淡雲涼雨坐斜暉

鶴雀樓

孤影閒凭鸛雀樓蒲關風物此全收
盃中太華千尋落眼底黃河九曲流
荒逕浮塵消謝屐壯懷長嘯倚吳鉤
文輶到處逢清賞題壁慚無好句留

楊妃村

若耶溪繞苧蘿村畫槩勾留幾斷魂
此日獨頭村外路一鞭風雨又黃昏

秋風亭

十里煙堤嫋嫋波橫溪幾片白雲過
秋風亭上秋風曲落日無人發棹歌

漢武荒祠遍綠苔天涯有客獨徘徊
大風歌後空流水

又見君王鼓柁來

題杜教授鳳泉詩集後

紅杏天街拂玉鞍
昔年塗抹醉春官
鵬鵬翮健聲先遠
苜蓿詩成興未闌
天下詞人同拍案
此邦風雅獨登壇
浣花翁後花無色
一瓣分香正不寒

贈蒲州陳太守莚溪

蒲關竹馬迓軒鈴
琴鶴相隨此暫停
十日濃香紅芍圃
一簾甘雨綠莎廳
名從聞苑傳仙珮
人向天涯認福星
爲語風流賢太守
秋山好待鹿台青

何處堪消暑八首

何處堪消暑輜軒樹影涼馬驚雲似火人怯汗如漿羽
扇延風遠桃笙引夢長塵懷思盡滌百遍汲茶鐺

何處堪消暑松杉古寺幽妙香來靜室孤影向清流絃
管鳥相答茶瓜僧爲留暫憑清淨地聊一豁雙眸

何處堪消暑長征欲曉時淡煙分遠岸殘月下荒池不
定螢流草無聲鳥宿枝蒼茫朝笏爽嵐翠撲鬚眉

何處堪消暑郊原半夕暉天隨芳草遠客趁晚涼歸樹
密須停馬風清欲整衣蒼茫憐暮景鳥雀認巢飛

何處堪消暑荒村雨乍零屐邊涼石骨花外潤風鈴山
翠連天澗溪雲隔岸停此時足延爽高卧拓疎櫺

何處堪消暑停輿向竹林一肩紅日脫半畝綠雲深疎影看山好修柯帶雨森那能扶遠蔭同慰渴人心

何處堪消暑山深屋數椽天空風陣合嶺斷樹聲懸入夢還驚雨清心更酌泉頓除塵萬斛不受午暉煎

何處堪消暑江亭倚畫欄萍風攜短袖荷氣上高冠陡挹三秋爽平分五月寒旅人多客思尊酒共盤桓

盆魚詩

五湖風月三泖煙霞有人正憶秋鱸好夢恰回春鳥貯花缸而演漾波態初停放錦鬣以徜徉天倪微動畫欄小立訝秋水之盈盈玉案閒凭

笑銀刀之撇撇盃前跳浪舟以芥而能吞鏡裏
穿梭網墮珠而欲罾簾移銀蒜有時釣殘月之
鈎風過膽瓶幾度唼落花之影消茲暇日滌盡
塵襟我樂同魚臣心似水從此臨淵不羨更莫
言江上煙簑亦或彈鋏能歌試遍叩座中珠履
滑笏波停玉甕寒數頭魚躍一泓寬簾疎偶落明霞影
客當龍門燒尾看

圓盃相伴水紋清曉嚼猶餘在藻情莫向風濤誇縱壑
箇中安穩足生平

四圍清淺不生波荇藻頻添樂意多記得蘭橈煙水曲

月明花港聽漁歌

喜雨

破曉聽新雨炎天暑盡忘
草移蒲毯潤風上葛衫涼
別味參茶譜閒情檢藥囊
廣軒開面面清夢入羲皇

平陽試院立秋日簡幕中友人

破曉西風拂井榦火雲炎
御此停驂況當暑雨廉纖過
便有秋光次第探樹裏鉤
輶催落葉城頭姑射放晴嵐
照人明月今宵滿蓮幕開
尊劇雅談

招同人小集

春暖康衢幾度過年光
彈指疾如梭客懷欲放千杯少

秋氣頻添一葉多人座參差排遠岫隔簾清淺露明河
箇中談笑增豪興擊鉢西窗發浩歌

霞綺雲羅淡不收爛銀盤裏素光浮蟲聲漸覺咽苔石
雁影遙看低戍樓漉酒角巾全滌暑戀人團扇獨驚秋
試垣斜日還堪醉莫遣西風動客愁

隰州童試有以撤卷乞憐者爲繼以燭得其文乃
可冠場遂拔之詩以誌喜

試垣鼓吹暮排衙矮紙平鋪淚點斜絳帳爲君燒畫燭
一時紅影筆生花

十年矮屋証前因何惜餘輝慰苦辛此日青衫開笑口

披沙慙愧揀金人

汾河秋渡

秋風裊裊白雲飛
野岸孤篷載落暉
安穩一篙風便過
浪花千尺不沾衣

管涔煙水繫孤舟
指點汾源憶釣遊
舊日鬚眉今細認
此心早已誓清流

送別湘渚南歸

鑽也荆門傑魁梧
氣萬千家風培世澤
吾道會真銓蓮炬
分他日驪珠得去年
論文深契合把臂致
纏緜東閣初懸榻
西風又着鞭雲移汾
水曲秋入漢陽船
戲彩花

爭豔持螯月正圓高堂君介壽寄語祝華筵

中秋前一日宿晉祠

難老泉清曲曲流竹梧影動一林秋風光不是山陰道人向千巖萬壑游

半日閒蹤坐翠微鐘聲相引過僧扉笑看懸瓊山頭月贏得清光滿路歸

對菊

淺白深黃次第看幾重秋意點疎欄影翻斜月和人淡瘦帶西風入夢寒靜裏色香真寂寞病餘詩酒更踟躕

五明囊好收仙露調取金英日日餐

時余病目

諸友人登高無詩賦此促之

廳館相尋客屐忙
晉陽風雨又重陽
秋容匝地楓千點
鄉信連天雁幾行
送酒差能同靖節
題糕應不笑劉郎
奚囊可有新裁句
正好籬東菊蕊黃

秋夜聞同人讀書聲賦此索和

秋枕不成寐
中夜心徬徨
皓月入我室
清輝臨我牀
牀前煨榾柮
微波沸茶鐺
息機正趺坐
意與言俱忘
倏忽聲西來
入耳何清鏘
中有讀書人
燈火遙相望
丈夫寶榮名
金紫生縹緲
精劒在匣脫
穎錐出囊公
等人中傑聲
價珍琳瑯
顧我菲薄材
揚簸羞秕糠
勉共惜分陰

樂此熒熒光

秋興四首同菱溪作

薰遍松煙細煮茶客窗清淨足生涯菊開老圃秋將盡
人到中年事更加知父母恩惟養子短英雄氣半思家
茫茫對此百端集又聽山城放晚衙

吟鞭不改壯游時重向并門寄客思宦境短長行處有
人情冷暖過來知青瑣未許長貧賤團扇休教怨別離
把酒共君拚一醉亂書堆裏夢希夷

峴峴紅葉點楓林雲雁迢迢度遠音撩眼秋容冰暑晚
賺歸清夢玉堂深馬惟善相能收骨人若相知貴以心

數遍閒愁渾不了一龕燈火縱高吟

長嘯崆峒倚遠天傲人巾幘獨蕭然千金欲駕連城壁
十畝誰贏附郭田砧杵乍驚鄉信遠鬚眉多爲宦情牽
知君月冷揚州夢杜牧秋思又幾年

又簡菱溪

吾交豪傑遍稱雄衆美能兼屬箇中器以大來成便晚
詩宜窮後句纔工月明何處開珊瑚網秋老無心檢藥籠
獨使青錢輸上選爲君惆悵恨冬烘

蕉窗十詠

欲辨惜惜德蕭然移我情無弦聽山水有耳洗琵琶露

下人同靜松閒夢亦清中郎參妙解撫遍爨桐聲

琴

客到爭先着疎簾半日消險夷心不測上下手頻招珠

落一盤韻星羅萬象搖寄言當局者黑白莫相淆

棋

雨窗東蕉葉煙渚籠鵝羣古人不扼腕筆墨各張軍浪

跡千杯酒飛空五色雲含毫池上客辛苦爲羊欣

書

半幅生綃景天然畫作工人來秋色裏詩在卧游中素

壁飛煙白寒窗落照紅願憑風雨筆追遡輞川翁

畫

珊架一枝老客懷將以攄麻黃曾試草頭白尙中書垂

露驚秋晚生花記夢餘毛錐能脫穎不似處囊初

筆

什襲藏之久明窗乃具陳膏流硯田滿香入管城勻風

月談松使年華憶絳人笑看朱履客十二屬龍賓

墨

竹帛功誰代先生利用前聲名清似玉心事軟於絲洛

下人爭買關頭雁欲傳浣花風韻好不數薛濤箋

紙

一片熒熒石千金價不收品題龍尾後位置鳳池頭伏

案誰穿鐵求田卜有秋虛中懷壯畧談笑說封侯

硯

閒向空庭倚鉢鋒瞥眼看芒韜風雨合氣逼斗牛寒乍

欲逢人吼何妨共客彈平生非一割珍重列珠盤

劍

色色形形裏清清白白來不成依日月還更惹塵埃客

面因詩瘦愁顏爲酒開無聊過短桁拂拭獨徘徊

鏡

曉發子洪鎮

雞聲茅店喚朝曦十里煙扉護短籬鴻雁影隨黃葉落
鯉魚風逐白雲移山開候甲雙旌轉人走盤陀一線危
莫向征夫問前路馬蹄安穩到中逵

武鄉道中

朝來吟眺沈寥天花縣崎嶇路駭然羊舌馨香空茂草
闕與鼓角半荒煙四圍雪冷山容瘦百步泉飛石骨穿
更倚危崖縱遠目此身已在太行巔

晚宿南關驛

山北山南遍落暉漫空煙霧濕征衣月添鴉背翻孤影
雲束松身大幾圍樵逕人來歌斷續酒帘風引路依稀

郵亭一枕發深省夜半鐘聲出翠微

秋晚田家雜興

秋山如洗冬山睡沃土多淫瘠土勞一種詩情憑記取
郵亭風雪動旌旄

山形曲曲樹重重人在邠風圖畫中莫厭霜園秋色老
菜畦連甲放新紅

重茅短椽兩三家稔黍豐年幾倍加怪底香塵飄不盡
有人雲外扇風車

紅樹山家深閉門雨晴人過一村村秋場滌遍渾無事
更向高田覓稻孫

山寺秋深刈草萊
賽神鐘鼓響如雷
斜陽滿地歸人影
酒榼都從社裏來

家家陶穴放朝煙
狀若修蛇一帶聯
箇裏有人呼不出
墻頭雞犬欲升天

昨日村花摘滿瓶
今朝村髻插縱橫
歸窻不遠前山路
驢背攜兒自在行

轉過峯頭路更多
汾河纔渡又漳河
馬蹄不爲詩人住
七字吟成十里過

望太行山

太行孤影插晴霄
不可升階入望遙
參井迴環登上黨

兒孫羅列笑中條樹盤曲逕凌空轉風惹寒雲亂眼飄
勝地若非持節過一生邱壑那能消

冬日漢澤試院作

此邦秦晉分唇齒人過盤陀遡舊聞上黨已登天下脊
太行遙指望中雲松濤冰署餘三友文陣醪壇各一軍
志士定當惜日短暮樓鼓角倚斜曛

別漢澤試院古松

何年留此東司友柯葉摩空半老蒼三代以前高自置
四時之內守其常塵根未許女蘿施夜氣微聞赤茯苓
竭爾相逢今又別一回瞻顧一徬徨

遼州道中

來時雪色延雙旌去日雪花飛滿城天爲人情喜向熱
故教冷面相送迎十里五里凍雲腳千樹萬樹搖風聲
清輝夾道馬蹄急朗朗如上玉山行

題寺壁

野寺挂孤壁僧房餘數椽客來懸短榻明月伴高眠勝
地饒今夕塵根悟幾年問心同面壁何必更安禪

冬日田家卽事

寒煙羃桑柘厯落兩三家水到籬邊曲山經屋後斜衣
冠成古處雞黍足生涯爲憶陶唐俗停輿坐落霞

度天南門

安穩天門路肩與此乍登峯寒高積雪澗暖細流冰塵障開千里春光度萬層茶軒爲小憇吟眺記吾曾

春草碧色分體得七律

花信風牽草色新隔簾蔥翠漸成茵粘來屐齒三分染襯出裙腰一帶勻山畔蘼蕪憐舊雨渡頭煙水悵離人天涯生意行看滿好向芳郊駐畫輪

對雨同李晚仙作

客到春軒敞空濛雨腳垂已過挑菜節恰稱養花時酒熟杯重酌詩成漏漸移乍驚風料峭涼意上鬚眉

雨晴春望

雨霽蕉窗晝景饒
嫩寒輕暖近花朝
山容到眼連天濶
草色霑衣特地嬌
樓上燕歸春脈脈
陌頭人遠思迢迢
含顰定有尋芳畔
儘惹閒愁上柳條

二月春風絕點埃
湧雲樓外宿雲開
綠楊煙態當窗裊
紅杏花光隔院來
但覺閒情牽舊事
那能佳句入新裁
放懷無計消塵障
鎮日鬚眉半酒杯

受州流盃池小坐

春風相引路迢迢
孤嶼方池野趣饒
便可流觴同上巳
況當撲蝶近花朝
留人鶯放千聲好
倒影山橫一鏡遙

別有湧泉亭畔柳含煙垂遍綠條條

天衢閣

城頭高閣逼層霄空外登臨縱目遙
汾水波光浮屐齒榆關山色入窗寮
到來春意三分暖賺得閒情半日消
風露四圍天尺五此身何處著塵囂

題兩嶺山茶亭

紅旆雙飄此暫停茶軒面面拓疎櫺
舊來邱壑今重認刮目山光分外青

釣遊風景十年過小憇追攀樂意多
曾共兒童騎竹馬春風棠舍近如何

家君治嵐之後八年予銜

命西來再過嵐谷弭節之次風景依然爰於校士之餘
憶趨庭之樂喜而成句凡得七律八首

遊釣汾源數問津十年持節又逢春眼前風雨來如約
夢裏關河悟有因地近乍聞人語熟花深還襯馬蹄新
停鞭笑揖天門外萬笏青山似故人

一綫盤陀路幾彎翩翩小隊步孱顏雲根細鑿東西澗
螺髻雙盤大小山繫馬寺門松蓋滿訪僧樵徑鳥聲閒
碧紗何處籠詩句賺得塵容向壁間

轉過峯頭日影遲迢迢雲樹寄遐思蘆芽水漲分新岸

鹿迳花光拂舊枝到此有緣留指爪別來無恙認鬚眉
懸崖一縷炊煙處短巷重茅尙未移

引喤聲動野人家衫笠街頭影半斜睥睨煙雲重駐馬
掃除亭館欲留茶兒童騎竹來鄉語父老褰帷問歲華
往日種松今合抱甘棠垂蔭正無涯

記得郊垌叩野扉沙堤春漲柳成圍曉鶯林外攜柑去
明月城南策馬歸細數年光差自喜同遊人面未全非
獅崖銅鼓雙峯在一樣煙嵐繞翠微

便坐琴閒政有餘數椽遺愛問吾廬

嵐署西偏爲居易
堂家君所構

葦將乳燕風常護種得新花手自鋤壯志欲尋題柱處

春暉猶是過庭初月湖南望三千里多少恩波潤野渠

時

家君爲

宣波司馬

就傳翩翩伯仲行下帷燈火最難忘風回帶草連番綠
秋入庭槐特地黃猶是面當前日壁漫誇錐脫舊時囊
牙籤架上書千卷長爲南豐祝瓣香

嵐陽回首意何窮攬轡花疆記土風充郡固應慙杜甫
蜀生還解頌文翁卽今白屋絃歌滿一半青衫硯席同
自分量才真鑑少從教舊雨笑冬烘

鳴謙驛題壁

客路經旬返風光便不同柳垂山逕綠花覆驛亭紅細

潤纖纖雨寒輕剪剪風停杯坐無賴春思竟何窮

李家溝在重山峻嶺中屋舍儼然令人有出塵之

想憑軒得句書疥壁間

地僻多幽賞春軒眺望賒綠搖當戶柳紅颭出墻花鳥
語連番弄山形一半斜不因持節過那得近煙霞

保德州試院

秦晉巖疆峽口分籌邊他日此論軍英雄沙塞餘荒塚
烽火樓頭入斷雲耕鑿卽今蒙樂利絃歌何地滯聲聞
孤城立馬觀濤處終古洪流漾夕曛

雲中謾興

五月天山雪尙留蕭蕭涼雨似深秋時當小暑渾忘扇
人怯空堂欲試裘沙際燒痕連遠塞驛邊煙火入危樓
雲中自古銷魂地浪迹風光動客愁

白登城

娘子城邊戍卒辛荒垣猶說漢君臣歌風氣短成孤注
割肉才窮仗婦人百萬狼狽屯若雨三千粉黛託如神
可憐已兆烏孫怨繡馬官粧入塞塵

蘇武祠

高祠雲樹黯荒陬持節孤忠此獨留沙窖雪霜仁主夢
河梁風雨故人愁漫言皓首生猶幸只有丹心死未休

十九年來辛苦事卻憐空對茂陵秋

李陵臺

登臺人遡望鄉情羣羈歡娛絕域生長劍幾曾酬漢主
尺書空自報蘇卿壠雲秋老歸鴻怨塞草風高牧馬鳴
惆悵天涯餘斷壘黃沙飛遍受降城

明妃塚

箏篋聲搖大漠風琵琶朝出漢王宮欲憑紅粉消鋒鏑
那許金錢買畫工坏土至今魂未返傾城從古命多窮
傷心尙有青青草一片煙痕落照中

甯武試院晚坐

隱隱輕雷花外收
松棚涼雨坐驚秋
河聲夜走中流石
山色遙侵對面樓
鹿野笙簧真寂寞
雁門雲樹半勾留
殷勤惟有天池月
兩度清光解客愁

度雁門關寄懷菱溪

峭石嵯峨護短塙
戍樓還在最高峯
建瓴形勢由來壯
表裏山河鎖萬重

一角危崖障夕曛
隴頭片片膩停雲
黃榆葉落雁聲急
欲寫秋容寄向君

次姜儒山秋夜韻

惆悵天涯夜不眠
客窗書劒總蕭然
候蟲吟月聲沿砌

歸雁排風影半天紫塞四圍秋寂寞金閨千里思纏綿
遙知挑遍銀缸淚刀尺聲聲劇可憐

秋日山行

山居伏日暑全稀簑笠朝朝入翠微好是一犁秋雨後
曉風門外豆花肥

立馬村溪愛晚晴魚鱗雲外遠山青一鞭更向濃陰處
十里垂楊繞驛亭

道中七夕

銀漢迢迢月影微夜深涼露濕征衣鵲橋天放雙星渡
雁塞秋隨一客歸百斛俗塵今未免半生形役昨全非

世間巧事多成拙誰度金鍼向繡幃

庚子人日

消息東皇橐籥開無邊風物入春臺好占農事山前雪
欲贈鄉心隴上梅排闥詩逢人日詠含情月赶上元來
瘦年尙有辛盤在擬共笙歌醉一回

送柴大穎中南歸

朝來驪唱不堪聞南浦匆匆又送君三載論文歸太白
十年改席爲羊欣鴻飛舊渚空留爪馬嘯新亭祇憶羣
別後相思一回首雁門春樹太行雲

家在蓉湖第幾灣十州南下路漫漫陳平冠玉寧長賤

范叔綈袍儘耐寒自有文章逢利市好教名姓入春官
玉堂花放重攜手鈴索丁東倚畫欄

菜香書屋閒咏

小徑重茅屋尋幽亦快哉棋聲花外落弓影月中開污
面塵難到忘形容自來菜畦生意滿未許踐莓苔

長日渾忘暑蕭然醉復醒茶煙迎座起花雨隔簾聽小
試松枝管閒評貝葉經良禽破岑寂好語遍疎櫺

室亦何妨陋官應不厭貧聊同僧結夏漫擬塢藏春渺
渺延清夢飄飄寄客身閒愁莫相混行樂及芳辰

將歸都門留別陳大耕堂

五雲聯袂憶前蹤
宦轍并門喜又逢
客果有能休擊劍
丞哉不負暫哦松
重關抹馬人將別
小閣傳杯酒更濃
自古贈言重金玉
幾回握手話離悰

答晉陽諸生贈別之作

桃李逢春處處栽
此邦文獻舊多才
氣占參井原鍾毓
風衍河汾幾溯洄
漫說英雄皆入彀
尙餘狂狷不知裁
泮林竚見蒸蒸盛
況有扶輪大雅來

文壇筆陣幾縱橫
甲乙殷勤與細評
風雅自慙周太史
衣冠不讓魯諸生
豐毛就日能高舉
大器驚人愛晚成
珍重朱絲調玉軫
莫教低首麤桐聲

耕堂祖餞驛亭詩以謝之

轉過峯頭又幾家
匆匆小驛暫停車
雪鴻未了三年夢
牛斗初歸萬里槎
夜半高歌愁折柳
座中嘉客喜簪花
時石生文
玉捷音至歡場自古情難別
狼籍尊前月影斜

柏井驛寄別譚方伯古愚

棠陰移向晉郊崇
屏翰年來識巨公
已見恩膏隨以雨
果然廉節樹之風
酖人誰忍疑羊祜
列帳常慚近馬融
不是者番持節過
那能趨步後塵中

安舟煙雨幾流連

方伯書室

又聽驪歌入綺筵
把臂肯忘青

眼日贈言多在白圭篇
柳攀汾岸雲俱冷
馬走榆關月

正圓回首乍驚天漠漠春風相倚更何年

寄別費觀察筠圃

輶車三載遍河汾刮目殷勤孰似君
郇聲華歌惠雨謝樓心迹証浮雲
士逢知己更何恨交到忘形焉用文
畫幃新詩重展讀一龕燈影悵離羣

鈴軒暇日許追陪爲政風流擅別才
照影月斜還顧曲膩人花放更傳杯
歡場荏苒情難卻歧路蒼茫首重回
跨馬西風塵撲面碧山黃葉一鞭來

守意龕詩集卷二

三韓 百齡 菊溪著

辛丑

春夜偕唐再山訪馮五筠孝廉

脫卻塵羈夢乍醒
昨非心總役於形
暫從坦道幽人履
便識高垣處士星
頭向窮途偏易白
日非知己孰能青
放懷尊酒休辭醉
況復殷勤月滿庭

述懷用前韻

耽閒敢詡是清醒
野鷺心情病鶴形
十載蓬壺還橐筆
五更車馬怯披星
雲移蕩嶺連天藹
草茁護堂向日青

更喜片帆風信穩曉春東郡樂趣庭

時三弟省侍閩中

涵齋前輩留宿小齋見和前詩因疊韻酬之

蹤跡詩壇醉後醒忘年交更喜忘形

先生年長於余辱承訂交二旬

春入先生杖一夕光留太史星

時立春後二十日

雪裏梅心還

逗白風前柳眼獨含青挑燈話盡迢迢漏無限荀香拂

戶庭

披雲暇日意全醒指點蓬茅辨色形大筆淋漓窺學海

是翁矍鑠祝臺星冰壺鎖闥懸來潤藜火天渠照處青

附影自慙無善步履聲空繞綠莎庭

贈瑞枳仙檢討

早歲蜚聲刮目看後塵今更步趨難

枳仙英年登第余訂交於入館之時

今復共事清秘堂

彤庭漏永蓮分炬

枳仙榮侍講筵

滄海春深網盡珊

枳仙分校禮闈

拔薦得人

判到斜陽還面壁吟成別調獨登壇大名定向金

甌貯未許頭銜署冷官

春日五坦園太史見訪不值詩以報謝

吟肩疎懶更誰同荒徑閒看碧滿叢三載壺觴邀夜月

余與坦園爲卅角交自晉陽歸來重親舊雨樂倍於昔

二旬冠履隔春風

時余請假家居

寸丹每與葵心証尺素還期鯉腹通詎使高軒題鳳去

應門無賴笑癡童

聞五弟讀書聲憶三舍弟

就傳春庭靄嘷嘷課讀勤問年當舞象擇善貴多聞柔

櫓搖江月

三弟赴閩省觀

單車滯塞雲

四弟時在灤陽

頓教增客思鄮

躡到宵分

直廬舊有燕今屋宇改葺而燕不來矣小坐興懷

率成一律

依棲曾認綵絲紅今日梁間絮語空幾見泥痕留夜月

數窺簾影憶春風屋烏恃愛原非達簷雀棲身尙自雄

惆悵將雛辛苦意頽頽應愧羽毛豐

花朝憶舊

細雨斜風憶別時
隔年心事問誰知
玉簪山下春光好
攀遍青青弱柳枝

養花天氣半陰晴
風引黃鸝又一聲
料得春愁消不盡
臙人詩句早吟成

簡簫玉亭侍御

百囀鶯聲攪客眠
索居真覺日如年
分陰惜處思陶壁
壯志銷餘遜祖鞭
紅杏隔牆春帶雨
時玉亭巡視禮闈
公餘循牆而走藉
遣春情
綠苔綠砌曉披煙
公廨卑濕先生
於其中擘畫圍政
繡衣天上身
名重那許閒蹤近
榻前

守意龕獨坐

吾愛吾廬好蕭然俯仰寬年華催社酒風雨入詩壇凡事守之貴此心行所安修名須自立莫漫笑儒冠

偶作

結廬深巷比山家不轉樞安門逕斜老樹隔牆陰羃歷亂書堆案勢槎枒風迴研北憐飛絮雨過籬東數落花莫謂閒心無住著一畦春韭便生涯

答唐再山

用拙隨吾性偷閒惜此身本來無畛域隨處見精神杯罍還邀月衣裳欲浣塵名場心似水何必熱因人

清祕堂雨後答時帆太史

夢轉桃笙入葛天晚涼風引北窗前溜穿石骨波聲活
雲壓藤條翠影偏淡友論心清似水冷官得句靜如禪
時帆太史有心
更冷於官之句疎慵笑我渾無計空抗塵容伴謫仙

辛丑五月招同鑑溪銀臺坦園枳仙兩太史泛舟

二間集千字文成絕句四首

鳳城東轉俯平皋好友招尋莫厭勞水面魚鱗清似玉
浮空直欲學琴高

虛靜天臨尺五流沙棠環坐暑潛收抗懷誰唱涼州曲
勅勒弦聲上酒樓

盛遊馳想六年前禽鳥親人舊有緣最是林宗敦夙約

六言集卷二
更將心迹映澄淵

射覆歡談盡晚杯
大川容與去猶回
夕陽滿岫雲陰起
雨爲催詩特地來

立秋後一日移居口占

桐葉飄辭夏蟬聲
入秋今朝風便爽
昨日雨先收地
結蝸廬穩枝遷樾
蔭稠人情計長久
共作百年謀

澹心齋小坐

几淨窗明處澄觀
亦自欣亭前枝送
雨檻外石生雲靜
得林泉趣閒招鷗
鷺羣開顏一尊酒
好共滌塵氛

與曹巽齋秋夜對月

夜半秋宇高天風掃蒙翳轉空孤月來冉冉暈階砌寒
光古藤下縱橫絡雲勢開閣支枯牀隔簾恣傲睨此時
心洞然坐久涼生袂一曲調清謳仰觀皓無際

中秋陰晦詩以遣悶

秋陰撲地掩園扉老樹槎枒蓋四圍邀月欲登天柱去
人間難覓趙知微

望停雲更繫秋情風落涼宵雁有聲安得十八灘上過

四千里外問陰晴

時家君爲
汀州司馬

片片秋雲隱絳河難將絃管促姮娥瓊樓舊夢高寒地

誰唱坡仙水調歌

對菊

連宵風雨聲秋色釀重九爲惜黃金花瓦盎移几右孤
芳雅不俗此意淡乃久岸然晚節香盟心歲寒友

秋日郊行

鎮日登臨眼界空果然心跡脫塵籠游巖素有煙霞癖
到處看山興不窮

煙塍迢遞碧沈沈繞郭秋容次第尋疎柳斜陽人勒馬
一聲蟬度女牆陰

畢竟村居樂事賒柴門流水自橫斜青菰白莧秋園好
更向籬根種晚花

偶作

人苦不知足雞鳴起孳孳此生有盡日所欲無窮期乃
爲蠅頭悞盡思象齒危衛荆善居室千古樹之規
忘情惟太上素位卽中庸觀我知其止於人何不容洗
心汲讓水修節憐孤松憧擾自茲息陶然寄遠蹤

卷石山房夜坐

涼月穿石骨寒風搖樹端山房拓南牖菊徑圍朱欄於
此得佳趣高吟成古歡乃知塵坱外清境足盤桓

晚歸

作於愛
雲草堂

澹月送人影輕塵逐馬足晚歸興不已尊罍慰幽獨開

我東園門入我重茅屋懷抱此中寬萬事任亭毒

聞嚴君遷太守詩以志慶並寄述亭三弟

連朝喜氣繞門閭晉秩高堂慶有餘二十年來看五馬
四千里外寄雙魚承家瑞識青瑣在燕寢香分畫戟初
共迎福星春滿路扶輿斑綵樂何如

西苑道中柬德樹堂侍講

門鑰初傳曉角催車聲軋軋一鞭來冰高野岸石全沒
日出遠山雲半開天上直廬尋舊夢壁間詩句得新裁
撩人欲問寒隄柳幾許春隨六琯回

時冬至
後一日

次韻答董明經丹崖

晚成之器從來大衆美能兼吾欲云講社談經誰奪席
吟壇搖筆獨張軍教惟不倦樂其道入若相知焉用文
塵夢十年今夜醒半窗明月喜逢君

次韻答李丹崖孝廉留別之作

樓煩雲樹接嵐陽仙李根蟠奕葉香駿骨肯教遺伯樂

琴聲直欲溯師襄

丹崖與余先後同出綺園師之門

紅餘砌藥花如錦

青綴簷藤荔是墻珂里夢回汾一曲蘆芽山拱讀書堂

春風桃李門芳時絳帳曾開第一枝

余持節晉陽首拔丹崖以冠多士

漫詡龍門增夙價最憐魚網織新辭蒙紗欲解全牛目
斲藥還收敗鼓皮況復驚人非細響膠壇鐘磬快和離

紫泥千里望題封翹首丹梯滯幾重瓊苑風欺花影落

硯池春染墨香濃

丹崖南宮報罷館於涿郡

裁詩且放淋漓筆酌酒

頻澆硯礪胸間道純青爐火熟好教經史似金鎔

承明出入頌

君恩退直相邀坐席溫一線日長春有信數枝梅放月

留痕旂亭客到繙新曲茅店雞鳴識舊村雲過太行山

更遠一鞭羸馬度天門

受州有南天門

守意龕詩集卷三

三韓 百齡 菊溪著

壬寅

元旦

條風叶律斗回寅
晨賀衣冠集令辰
桃梗乍搖初日影
梅花已入舊年春
介眉酒進護堂暖
舞綵肩隨雁序陳
更倚天涯歌陟岵
片雲情繫宦遊人

人日寄懷梅軒三弟

春醪一呷獨含情
人日懷人對短檠
別後詩難歸上乘
近來心已破愁城
夜牀風雨聲初到
春草池塘夢又成

昨日迢迢逢雁使尺書曾與寄南征

正月十日蕭侍御招飲既辭歸因阻城復返輿中

得句

旂亭風調更誰知紅燭雙燒酒滿卮檀板一聲人又返
可能重唱恨來遲

丹地花開片片紅後堂絃管月明中狂言座上驚回首
人到歌山不避驄

上元前一日 西苑散直邀同樹堂芝軒兩侍講

城南觀劇

散直銅壺漏幾巡仙園迢遞踏芳塵玉河兩岸千株柳

好向東風一探春

太乙黎光護紫微琅函高架吏人稀特大典告成浮生半日

拋書卷也向閒中暫息機

匆匆衣袖暖風含十里相邀興轉酣馬似龍媒車似水

一鞭紅日過城南

畫欄東畔共飛觴聒耳秦聲亦繞梁同是大羅天上客

是日爲同踏歌誰譜月分光元宵曲名

上元約丹崖夜遊

人影豔花市張燈同看來

帝城夜不禁洞達千門開朱輪鎮相逐簫鼓聲如雷繁

華屬都會民物熙春臺念此一往遊招侶心無猜太乙
照何處明月猶徘徊與君一俯仰暢敘資清才盎然啟
詩思春色移盆梅

恭和

御製仲春經筵有述元韻

崇儒雅化

澤如春講幄年年令典循

聖域高深原合撰

帝廷襄贊總勤民治安從欲文同軌樂壽延庥

德潤身共仰

奎章昭日月詞源涇渭辨斯真

恭和

御製經筵畢文淵閣賜宴以四庫全書第一部告成度
閣內用幸翰林院例得近體四律首章卽疊去
年詩韻元韻

仗引春風仙掖暖日華遙擁

翠華移百年聲教占星聚十稔編摩愧蟻遲乍啟琳琅
光有耀同沾雨露

惠無私講筵況復聆

天語仁知同符億萬期

秘閣宏文信盛哉琅函齊向日邊來提綱挈領千篇彙
繕寫留真四分該鄴架儼成羣玉府鄧林爭攬巨川材
觀成此日逢

宸賞下列歡從鷺序陪

鵬拜文壇矢詠歌石渠金匱盡包羅真源

密探觀其會偽體親裁正不他

珍賚厚叨何幸也涓誠圖報詎能磨雕筵聽譜鈞天樂
習習風調鳳瑄和

天臨尺五開芳宴漏轉銅壺報幾籌

舜陞羽千誠美矣周京鐘鼓似今不臣思自愧疎而拙

帝道欣瞻久亦悠願效華封進三祝堂廉雲日共延留

仲春西苑道中

水暖新苔展風柔凍柳蘇二分春色好十日宦情殊

閒篆

後兩番赴直彈指浹旬

酒亦何妨病冠應不誤儒紅塵騎瘦馬消

得壯心無

時敏齋春夜小酌疊西苑道中韻得詩四首簡董

丹崖教習並憶蘇生虛谷

案牘偶然暇枯牀倦未蘇寒暄風莫定靜躁意全殊白石成高隱烏巾伴老儒共羅書萬卷得似鄴侯無

簾風迴屈戍窗月暈流蘇春思千杯少吟情七字殊下

帷還勸學環堵詎慚儒旅況憑君說閒愁問有無
感舊誰憐范論心獨友蘇士難三日別臭每十年殊莫
厭壯夫技宜崇君子儒橫經同問字可但識之無
小山儼邱壑曲徑蔭扶蘇車馬聲何有烟霞興不殊行
原素其位術則本於儒俯仰熱中滌蕭然萬慮無

頤園春夜奉懷五坦園檢討二首

地偏心更遠無那故人何
屹屹寸陰惜堂堂旬日過小
園春信早委巷月明多謝屐幾時暇相邀咏薜蘿
正好尋芳去春城路不遙軟風迎穀雨殘雪膩花朝別
夢空惆悵幽居太寂寥柳隄鶯喚友聲繞綠烟條

附五坦園檢討和詩

踽踽慚通隱其如索處何官閒容病久地僻少人過
城角管絃急武陵裘馬多放衙歸路晚尙自憶烟蘿
春住雖云蚤春歸信豈遙風塵催下駟桃李負芳朝
憂樂中年集賡歌雅事寥螳螂新入調無計改絃條

早春卽事

暖入園林晝景遲二分春釀杏花枝燕兒排闥營巢處
鳩婦隔牆喚雨時便可脫巾同漉酒更教折柳細編籬
眼前樂趣閒方覺東縛塵籠那得知

園桃初放約丹崖往觀

一樹春先到相看步履移東風回別墅小雨透疎籬紅
豈映人面青宜間柳枝花身難品次情在不言時

樹堂侍講以和西苑道中詩見示因疊前韻酬之

對酒懷公瑾

同人集時帆齋中五坦園不至曾以小詩奉懷

聯牀得次蘇

是日直廬

與汪鹿園

宦情同局促

鹿園詩有局促風塵吏句

詩味不差殊

樹堂詩有

煙雲入春殊之句與汪鹿園山色到春殊句異曲同工

趨步遵先路頭銜愧小儒

朝朝金闕下展布一籌無

再疊前韻答汪鹿園太史

佳句壓元白高文轢柳蘇沙隄青眼重

鹿園夙爲竹井相國所推重

芸館白眉殊

鹿園與介弟雲壑殿撰同官詞苑

日對八磚影家傳七葉

儒和光同煦姬畛域此心無

文壇驚鼓吹藝圃富樵蘇項可逢人說韓原與眾殊一
堂隨步履十載得師儒麈尾清談好能教俗狀無

清明郊行

新煙一縷散村櫳百六春光毗睨中未必吟魂棠樹下
最憐乞相郭門東懷人野渚盈盈水驚鷺城闌欵欵風
奔走簿書閒不得滯淫偏使酒盃空

附德樹堂侍講和詩

煙霏村樹隱疎櫳春滿青郊似畫中幾處繁花橋上
下無邊芳草路西東未飄潑火廉纖雨更送吹襟淡

蕩風柳外沙堤行不足遠山浮翠擁晴空

新綠次汪鹿園編修韻

淡抹煙林畫遠郊綠楊垂線竹抽梢雲低野浦波紋膩
風偃平疇麥浪交翠羽一行時並翼紅花多事亂垂梢
倦遊剩有青袍在門草春心漫解嘲

和樹堂侍講西苑入直元韻並東汪鹿園編修

盤曲西郊路更賒夕陽村舍影交加潑園雨過清明柳
釀圃風迎上巳花十里雲山同勒馬一隄煙水欲浮家
澆愁好仗尊中酒莫厭蕭廚飯有沙

用杜工部山行飯有沙句意

寄懷瑞芝軒侍講

時芝軒因病家居

自有巋巋志何爲鬱鬱居茂陵春病渴天祿夜談書日
永狂歌裏人懷下直初煙霞分藥圃風雨寄蓬廬遂覺
三秋別室教尺素疎含情相問訊施肘近何如

附和

暫與塵喧隔衡門試索居殷勤嘉會約珍重故人書
風雨寄懷永鶯花彌望初正宜過勝地況復結精廬
欄藥翻紅嫩庭槐蔭綠疎開顏同泛酒輪奐頌何如

野望二首

捷徑那能識浮塵未易量此身厭馳驟於野樂徜徉山
影遠垂戶花枝低出牆更看牛背穩短笛倚斜陽

路碾花千片人歸水一涯性情同野鶴歲月比脩蛇正
好聯詩社相邀到酒家牆根坐涼石一聽鳥聲譁

附汪鹿園編修和詩

筋骨堪疲憊景光難測量車中聊徙倚野外試徜徉
嫩綠茁隄樹繁花縈石牆歸鴻聲軋軋無夢到衡陽
詩思託寥曠無從窺涖涯聲方出金石筆欲走龍蛇
收拾青山色流連老圃家夕陽過村墅雞犬靜無譁

翰林院瀛洲亭海棠盛開同德樹堂瑞芝軒兩侍

講汪鹿園編修五坦園檢討分賦得簾字

蓬壺簪佩侍清嚴花事撩人竟日淹一握絲抽藤蔓長

十分春向海棠添微開半吐苞原膩薄暖輕寒氣正兼
繁豔乍披風欵欵柔姿恰暈雨纖纖花磚綴錦移茵席
玉沼明霞點鏡奩翠影低橫池柳瘦紅妝遙炫瓦松髯
每憐卷蕊蜂腰縮卻惜霏英屐齒黏笑處含情圍繡幙
睡餘留態照銀蟾果然衡品堪稱友若使能香轉見嫌
色異桃谿紅映面韻饒梅閣數巡檐何人對景杯同酌
下直分題句偶拈壓徧羣芳仙格在一株雲護水晶簾
晚歸對頤園海棠復賦長句

採芳曾與劈吟箋別墅豐苞見又憐弄影乍依明月下
媚情疑對玉堂前獨從雅淡標丰骨肯共繁紅鬥麗娟

汝若能香貯金屋狂奴原不識花仙

早行

魚鑰重門啓應官馬力強一林開曙色十里媚春光野
水綠圍寺村花紅過牆雲多山面濶風軟麥頭昂詩思
頻採取年華與細量行行天路近烟靄護

仙莊

壬寅午月望後招同德樹堂侍講泛舟二閘卽事

成句

得舟中二韻

十里橫渠一葉舟浣塵今喜向清流閒踪鷗鷺參新諦
詩思雲霞憶舊儔

客夏曾同夢銀臺五坦園瑞芝軒
請公遊此今日片帆彈指經年矣解

纜槐塘全滌暑掉頭蘆岸乍驚秋潞河東望平如掌咫尺煙波阻勝遊

簿書堆裏宿緣空一葦相尋浩渺中自昔范張交誼古於今李郭素心同片雲頭上應催雨孤鷺洲邊欲鼓風酒興縱橫險興好對君搖筆句難工

過間換舟復次前韻

問訊前川更買舟短蓬人影浴中流濤聲欲瀉銀潢派
槎渡重尋海岳傳野店濁膠供一醉故人尺素慰三秋
適玉亭先生札
至邀遊潞河
謝公未了東山興好辦棕鞋汗漫遊
不須琴鯉便浮空載我輕舸入畫中眠客笙簫隨處有

繫情泥雪舊時同共吟柳岸三更月好趁菱灣一棹風
畫壁旂亭人不識傍筵曲調問誰工

苦熱

火雲燒遠空羲御停北陸炙手造化爐蟲蟲懾三伏我
非熱中人遇熱偏窘促偶爾簿書閒放浪脫官服水盃
浮甘瓜風簷倚脩竹心清暑便消那藉水成屋

長夏遣興

幽棲寂歷經過少清簟橫牀近短籬槐影勾殘長日夢
鐘聲續得隔年詩時午睡初醒足成苦熱長句閒情每向忙中取冷
味誰於熱處思消暑舊傳河朔飲莫教酒盞負花枝

疊前韻答樹堂侍講見和之作

雲作魚鱗常護石竹編麕眼更添籬何人愛結山中癖
有客催成雨後詩細琢冰稜消溽暑乍聞蟲語動秋思
是日北窗坐對清談好松塵揮殘第幾枝
立秋

螢火

丹鳥熒熒片影浮晚涼風定乍凝眸池塘有夢迷芳草
藜閣分輝慰白頭花際暗隨珠露滴月中低訝火星流
小園委照添清緒桐葉先聲已報秋

和樹堂侍講下直過御河橋元韻

幾曲虹橋接遠空

禁垣高護五雲中
水添暑雨翻新綠
山帶殘霞襯晚紅
那許塵蹤窺浩渺
盡收詩思入空濛
退朝小立銀塘影
撩眼花光撲玉驄

夜坐有懷

向晚雙輪息園居
夜氣清奇雲留夏
景疎雨作秋聲掃
徑葉初落攤書盃
獨傾無端鈎遠思
嘹唳雁長鳴

疊夜坐韻答小崑四弟

無事此趺坐來詩
移我情浮雲孤客
夢夜雨對牀聲學
董帷初下逢程蓋
易傾秋風期振翮
萬里鶴飛鳴

和小崑弟訪東園孝廉之作

舒嘯閒將柳癭敲禪關招侶向秋郊僧歸未解紗籠壁
客到先看竹放梢問字須知文以會忘年且喜淡爲交
塵轍似我真難脫舊雨林泉定獻嘲

和 竹井相國直廬夜雨喜作元韻

釣樞尊泰岱詞峽蓄江濤

帝愜爲霖望人欽握髮勞一時占快澍永夜滌煩囂載
咏

神功溥情逾洛社豪

七夕

瓜果堂前禮片雲掛簾新月伴宵分世人競乞天孫巧

誰刺天孫五色紋

盈盈水說是紅牆翠幕相逢事渺茫富貴若教求則得
人間多少郭汾陽

聞道星槎有客過卜簾消息問如何鵲橋未必年年渡
空惹天涯別恨多

牽牛花下惜流螢案戶秋光坐滿庭免俗未能聊復爾
夜深點筆賦雙星

同日得梅軒香谷兩弟書賦寄

瞻雲卧白晝憶弟心徘徊健足至自遠尺書同日來

書二

皆六月廿二日寄開槭如會面讀竟無疑猜各述近時狀甌縷

情具賅一則奉官舍舞衣娛尊壘

時三弟來書云演劇奉嚴君壽誠天倫

樂事也

一纔抵大梁馬首披塵埃

五弟赴陳省覲時方纔抵豫省距陳止三日

計程距三日相見歡相陪握衣向堂上笑語聲如雷仰
視親未老昔別兒尙孩一時聯雁序慈顏知頓開顧余
憶兩弟彌覺中情摧違侍今九年宦逕東西催愛日繫
遙想縮地無仙才持書對老母中夜腸九迴

壬寅中秋寄懷梅軒小山兩弟之作

高寒風露接平臺人倚秋空望眼開絃管雜聲喧短巷

山河遙影落深杯殊方宦轍經年改

去年中秋嚴君佐郡汀洲今則移

守陳郡

遠道家書隔月來

頃接兩弟前月所寄之信

夜半不眠鐘漏急

愁腸轆轤百千迴

一從五馬控花韉屈指黃堂路幾千雲影夜垂嵩嶽半

雁聲秋繞汴河邊乍聞農雨隨車至已見丞魚入座懸

卧治閣

陳郡有汲黯閣

中賓客滿清輝同祝月長圓

官舍佳辰接笑言況同弱弟侍晨昏服勞事事趨庭樂
請與朝朝繞膝溫碧草春池牽舊夢紫荊秋圃茁新痕
相看月窟婆娑影長與仙椿並慧根

迢迢雲樹跡全疎兩地心情一紙書於役長年歌岵岵
懷人今夕倚門閭虞翻骨相還如舊杜牧鬚眉不似初
贈汝以言重金玉好將萊彩奉安輿

重至北極寺

又叩禪關禮上方六年心迹費評量
籠紗舊句慚僧壁欹枕前因悟宦場
荻浦雁飛秋水淨柏林蟬噪野雲涼
閒情對景紛如許倦馬嘶風勒夕陽

題汪毅亭聽鶯圖

小憩長廊雨乍晴綠腰催唱最多情
烟絲一握垂垂影聽到斜陽第幾聲

泥雪前因歲月消好音今已報遷喬
春明門外春光暖記取長隄舊柳條

壬寅九月請假省親成什

筮仕登金籍思親隔宦程并門初奉

使蠻甸正孤征

丁酉秋余視學三晉家大人正於役滇南

眷戀趨庭夢馳驅

報

國誠八年頻望遠一月得陳情五馬

君恩重

時家大人擢任陳州府

單車驛路輕客隨關牒引人載舞

衣行野樹燕山盡秋雲汴水清試看嵩嶽色早向馬頭迎

留別清秘堂同人

短衣今喜拂征塵

帝里秋光判六旬黃葉暗飛岐路柳白雲遙逐曉行人

獨將旅夢馳金馬料有新詩寄錦鱗
汴水東連淮水濶情深千尺憶汪倫

寄懷瑞芝軒侍講扈從

秋獮

敖漢山連武列河沙深石碎路盤陀
帳前倚馬才堪試雲外穿楊技若何
松逕十年鄉夢遠槐廳九月雨聲多
大梁南去頻回首惆悵秋空雁字過

宿蘆溝橋

潦水初平野岸低遠山紅日石橋西
含風幾樹蓂蓂柳又作秋聲送馬蹄

良鄉道中寄懷五坦園檢討

面城塔影碧崔巍幾輔川原四望開
掃葉寒風吹易水離羣驚馬睠燕臺
臨岐野戍分沙入接軫嚴裝載月來
遙憶玉堂天上客日斜緩步放衙回

涿州昭烈帝祠

豐沛河山盟帶礪炎精再熾銅馬帝
白蛇已斬青蛇來歎息痛恨桓靈世
中原逐鹿多機槍中山幾葉興樓桑
赤壁一炬老瞞破三分割據成小康
吁嗟析薪不克負倉皇蜀妓皆北走
人之無情安樂公拱獻蠶叢如反手
我來涿郡尋荒祠頽垣斷碣增淒其
長空萬里風雲色

想像南陽三顧時

曉渡

落月河之湄霜花不可止前村人語聲茫茫隔烟水

曹河慈航寺小坐二首

一聲清磬駐斜暉老樹參差翠作圍門外稻畦參妙乘
寺僧新製水田衣

禪榻枯藤接草茵會心曹水碧潏潏一漚更瀾頭網餅
解卻簾官幾斛塵

保定旅夜

蟲語牀頭破睡魔杪秋遙夜旅懷多人隨北雁迢迢去

夢逐南雲淦淦過城上翠樓聽鼓角院中蓮社憶絃歌
郡城有橫翠樓蓮池書院十年宦轍低徊處風景今宵判若何

村舍對雨

寒雨飄然來亭皋秋意足濕葉下空林流雲壓野屋迢迢行路難又向前村宿把酒思東籬獨對黃金菊

晚渡滹沱河

滹沱秋水漲新痕煙靄蒼茫半壓村一片蕪蕪殘照影更無人憶漢公孫

正定府晚眺

暮色含平楚途長客思艱幾回吟眺處都向沈寥間斷

岸渟沱水迴峯抱犢山寒鴉負斜照林際認巢還

晚至順德府

河朔雄圖眼界寬奕碁千古問興殘沙邱詔令車中出
鉅鹿軍容壁上觀往事盡隨雲影散客心遙逐雁聲寒
依稀扁鵲山前路星斗森森直北看

沙河縣早行

初陽散林麓川路曲隨隄人影倚驢背沙痕留馬蹄雜
花農圃外歸雁戍樓西望望清秋景翛然入品題

九日邯鄲旅舍寄懷德樹堂侍講四首

馬服山光面面開登臨何處問叢臺黃花滿地西風急

人向邯鄲道上來

一枕仙郵了宦情
茫茫誰更說生平
竈前空見炊烟熟
慚愧塵勞夢不成

泥絮心同半偈持
秦樓雲冷日西馳
君詩不遣玲瓏唱

樹堂有邯鄲旅夜詩
知是揚州夢覺時

菊殘萸囊處處同
題詩千里寄秋鴻
登高試問龍山客
可有參軍落帽風

漳河南望

拍岸波聲萬派含
綽帆千尺截晴嵐
淺深厲揭於斯悟

清濁源流是處探

河有清濁二派

野樹微茫分冀北
遠山層疊

入漳南淮陽指掌無多路好傍棠陰策錦驂

漳德懷古四首

鄴郡連天草色秋茫茫七十二荒邱玉魚銅爵終黃土
歎息漳河水自流

糗糒西陵詔幾行阿瞞別有禍心藏精廬若向譙東死
未必遺分侍妾香

巾角彈棋興未闌可憐魚肉日相殘西郊射鹿傷心地
玉枕千秋怨五官

翩翩公子建安才飛蓋西園日暮回墮盡思愁岡上淚
輾輾又向洛川來

湯陰縣岳忠武祠

下馬禮荒宇秋風鳴古原英靈耿不滅謾謾松濤翻憶
昔宋南渡青城悲北轅將軍一奮袂鐵騎如追豚痛飲
黃龍府慷慨聞斯言金牌日狎至哭聲撼軍門十年志
不遂生死焉足論裂裳示報國真宰訴帝閭嗚呼莫須
有千載冤覆盆河南望河北誰與招忠魂

汴梁渡河

竹箭隨流幾曲奔誰探星海瀉高原六鼉排浪迴嵩嶽
三峽轟雷下禹門城角檣帆秋雨霽渡頭沙磧暮雲屯
河清共祝安瀾慶況復金隄次第論

汴梁寄懷董丹崖蘇虛谷二生

汴城雲物動高秋，嶽色河聲壯遠遊。
宋苑花筠悴兵燹，梁園風雪弔枚鄒。
滄桑人事千年幻，砧杵鄉心一夕留。
點筆漏沈燈火暗，月痕低壓望京樓。

對月

沈寥平野濶皓月入深秋，樹影淡如畫。
波光寒欲浮，前村珠照乘。別苑客登樓，渺渺思千里。
清輝接斗牛。

宛邱野望

極目宛邱下，煙光睥睨間。村稀惟有樹，天遠更無山。
乘屋田功暇，漚麻力役艱。東門池水濶，漁艇遍菱灣。

陳州卧治閣

卧治傳高閣清風憶漢臣立朝矜戇直行部式尊親德
共思何武人還借寇恂一時賢路闕未許嘆前薪

太昊陵

萬物此資始皇哉德莫名衣裳變枝鹿龍馬肇文明古
壁蒼雲暗深渠蔡水清蒼畦舉瑞草乞與卜生平

絃歌臺

舊名
厄臺

皇皇欲何之天下半車迹傷哉陳蔡間夫子是時厄岐
山鳳不鳴魯狩麟又獲落日絃歌臺遺音式如昔

陳思王墓

秋盡東行濯水濱墓門煙雨暗荒榛
桐圭戲剪猶分國
其豆相煎豈異人
鄴苑黍禾餘舊壘
却山車馬罷殘春
搔頭傳粉風流盡
枉託微波感洛神

平信門感淮陰侯事

帷幄謀成借箸時
僞遊雲夢詔書馳
關中士馬收秦鹿
垓下風煙蹶楚騅
擊筑可憐雲影散
藏弓無那鳥聲悲
千金一飯酬空說
爭似商山茹紫芝

裴晉公綠野堂

西郭園林野趣饒
叢雲間貫月橋名
俯山椒斜軒水氣沾

衣潤孤嶼花光縱
目遙千載佛馱參
淨業一時簪笏脫

塵囂平淮士馬成功退垂老煙霞贍午橋

柳湖爲蘇子由讀書處

湖田東望碧淪漣老屋棲遲自昔賢隱隱書聲傳夜月

傳聞湖邊

夜有書聲絲絲柳色澹朝煙已看洛水清流盡獨許眉

山道派傳

子由至陳詩來陳爲
嬾計傳道愧虛名

門戶難兄成蜀黨

子瞻
寄穎

濱詩阿奴須碌
碌門戶要全生

阿奴爭似老青瑣

初冬對菊

好在黃花色敷腴及曉晴寒風扶瘦影夜雨潤疎英人

以澹心合天教晚節成小春官舍暖曝日向南榮

瓶梅盛放喜而得句

南枝春色逗寒梅移入銅瓶相向開
卧治堂前清供好過庭時有暗香來

偕許都閫城南射獵遂遊季氏芥園卽席索賦

秋容不動天宇寬長林落葉秋風寒
潁水東南蔡水北將軍出獵軍聲歡
小隊華旂色相向霜原十里平如掌
駿馬纏騶搗地來蒼鷹側目拏雲上
啾啁鳥雀驚雷碾韓盧駛牟狐兔藏
迴身更試射鵬手羽箭一一能穿楊
城南迤邐林巒現細柳軍容動秋甸
傳呼行炙廚煙飛名園對酒成高宴
四圍寒碧松竹清紅梅幾樹欹軒楹
主人相見脫常調懷抱冰雪神晶瑩
我來吟眺增躑躅

如此溪山足浣俗斜陽照眼明殘霞一聲鼓角催歸促
衙齋夜坐示述亭香谷兩弟

花坪舞影共婆娑秋入淮陽晝景過東郡南樓詩思好
浮雲落日客情多庭階敢謂森如玉歲月頻驚駛似波
舊業青箱須努力短檠牆角莫蹉跎

陳州早發

最戀承歡地翻成踟躕別時早梅香拂座衰柳色臨歧日
愛白駒影人懷烏鳥私驪歌催上道迤邐馬行遲

五子臺

言尋五子臺茫茫一坏土秋林風雨多髣髴歌聲苦

渡黃河

萬里洪河渡重經
雨雪中防川紆

睿慮疏派藉元功
遠岸孤村失輕舟
過客同浪花高捲
處安穩一帆風

渡河雨夜酬葛生菱溪大梁見寄之作

夜濤驚枕急黃流
雨暗荒村漠漠秋
車似風帆隨處轉
人如雪瓜偶然留
歌聲陋巷傳金石
劍氣豐城射斗牛
問訊侯嬴今好在
夷門東望遲行驄

延津口號

延津秋水繞垣圻
清觸石淙淙劍欲鳴
但使斗牛能辨氣

不辭韜晦向豐城

沙門村阻風

大風起不測平楚亂飛石震撼西北來怒吼穿屋脊
九天雲下垂片片紛如擘寒禽戢毛羽投林忽亂擲
躊躇馬不前況乃日將夕迴首沙門村人家迷咫尺
吁嗟天地間勞勞此行役那得御風行逍遙任所適

衛輝道中望蘇門山

撩眼突蒼翠蘇門山色深磴泉流百道淇竹映千尋
高唱憶延瀨息機同漢陰至今嘯臺下鸞鳳有遺音

淇縣道中

綠竹參差裏淇泉左右間只疑張畫本相對滌塵顏主
璧賢侯式烟霞逸客閒清輝照千古仰止頌高山

宜溝驛夜坐

庭梢脫葉氣蕭森樺燭燒殘刻漏沈伏櫪壯心催老驥
搗衣鄉思激寒砧致身已愧青雲近搔首俄驚白髮侵
悵望天涯連歲暮五更風雪動遙吟

邯鄲呂仙祠

古剎蒼涼暫啟扃暮樓鐘鼓倚雲聽穿林敗葉蕭蕭下
拍檻寒波淼淼停烏兔迴翔驚過眼雞蟲得失惜勞形
蓬萊仙境依稀近莫遣區區論夢醒

遠山紅葉

遠山靜如睡蒼崖霜雪深碎霞落千丈忽散楓樹林凍
葉發丹彩枯枝明素岑橐鑰造化功烘染回窮陰停車
石磴畔引睇成孤吟歲寒不改色契彼松柏心

淖沱河再答葛生菱溪

落日又淖沱

來詩有一鞭來往熟
落日又淖沱之句

臨流動遠慕置詩懷

袖中卽景若相晤我亦大梁遊秋帆從此渡日月曾幾
何層冰踏歸路矯首天一涯伊人阻雲樹各各事奔走
容鬢均非故寒禽擇枝棲良馬空羣顧懷抱今何如臨
風倚尺素

夜雪

虛館滅銀燭枯牀客未眠
雪花濃入夜雲葉暗垂天
積素明牕牖融膏潤陌阡
定知農父喜三白兆豐年

歸至都門

雪霽神皋望眼明
一鞭斜照趁歸程
馬頭片片寒雲色
猶繫天涯陟岵情

梅樹初花凍柳蘇
小園春信待招呼
堂前好種長生草
載得嵩山九節蒲